



# Tir Yimiyim

www.tiryimiyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimiyim@gmail.com

TAPAK 6 Yangia anidakangma : f Tir Yimiyim

Instagram tiryimiyim@aolima

YouTube tir yimiyim

TAPAK 8

Tripura cadre nungi IPS officer Rajiv Singh Manipur-i belener

IPL 2023 nung Gill-i naroküm timba agizükogo



VOL. XX NO. 228 (ADOK 228) DIMAPUR RASEMNÜ (WEDNESDAY) MONUPII (MAY) 31 2023 ₹ 5.00

## Anogo 15 tsüngda yimtenren lemtet agitsü: Amit Shah

**Churachandpur, May 30, 2023 (Agencies):** Union home minister Amit Shah-i Manipur nung lisopurtem dang anogo 15 yimtenren telemteba ka agitsü nangzükogo.

Mongulbarnü Indigenous Tribal Leaders Forum (ITLF) lennirtemi Churachandpur nung Amit Shah den senden ka ameba sülen iba osang metetdaksü.

Union home minister Amit Shah-i tanü Churachandpur district nung Kuki MLA tem aser ITLF lennirtem dena lisopur lennirtem den ajuruteba liasü.

Tuibong nung aliba Assam Rifles camp nung Amit Shah aser Kuki MLA o ITLF senden amen.

Paisa Kuki nung arogo lennirtem aser shisashirtem dena ajuruteb.

ITLF lennirtemi Amit Shah nem 11-point charter of demands agütsü. Iba nung ketdangsubaren balaka aser Manipur nung President's Rule alitsü takhangba dena lir.

"Union home minister Amit Shah-i anogo 15 tsüngda teti atema yimtenren telemteba ka agitsü nangzükogo" ta ITLF spokesperson Ginza Vualjong-i ashi.

"Onoki Manipur nung President's Rule benoktsü aser

## Arambai Tenggol telungpurtem aser AR khatep

**Imphal, May 30, 2023 (Agencies):** Manipur nung Arambai Tenggol telungpurtem aser 37 Assam Rifles column ka tsüngda khatepba osang angazükur.

Iba nung Valley-Based Insurgent Groups (VBIG) nungi temai adokba telungpurtem dena lir. May 28 nikongdang 5:30 ako meta Serou, Sugnu nung iba lendong atalok.

Temai adokba VBIG telungpurtemi Arambai Tenggol nung denogo. Parnok temai adokba ya yimjung atema ta bilem saka state Meitei commandos-i telungpurtem nem prangpong-injang agütsür 37 Assam Rifles den khatep.

Yaküm telungpur 500 den timba temai adokba ya yimjung atema aser non-SoO (Suspension of Operations) teloktem ka akümtsü atema asütsü ta bilem.

## Medical College 150 nungi recognition agientsü

**New Delhi, May 30, 2023 (Agencies):** India nung medical colleges 150 shi ka National Medical Commission indang recognition agientsü akok.

Tang tashi nung medical colleges 40 shi ka recognition samaogo aser parnoki NMC dang inyakim lateta aliba sülen anidakba kulitem sayutsüla.

NMC-i tang tenük yokba medical college temji Gujarat, Assam, Puducherry, Tamil Nadu, Punjab, Andhra Pradesh, Tripura aser West Bengal nung lir.

NMC indang Undergraduate Medical Education Board-i ita ka

N Biren Singh-i aniba sorkar atsüngdoktsü akhanger" ta Indigenous Tribal Leaders' Forum (ITLF)-i metetdaksü.

May 3, 2023 nungi Manipur sorkar aser Manipur state armed forces-i lisopur yimtsüng balala nung lisopurtem samatsütsü atema maneni inyaka arur. Parnoki lisopur yimtsüng aika mitsü küma rongdoktsüogo aser tai maketba lisopur aika taküm samatsüogo, ta ITLF-isa ashi.

"Lendenlen aliba telungpurtemi Manipur police uniforms agir lisopurtem reshikangshiba angazükogo" ta ITLF-isa metetdaksü.

"SoO teloktem pei pei designated camps nung lir. Lisopur yimdaklirtemi single barrels guns o licensed guns amer pei pei yimtsüng kümzuka liasü. Ajisüaka Army-i parnok dang nungi prangpongtem meshi aser iba jagi Manipur sorkari aniba teloktem dang kecha meshitet kümogo" ta ITLF-i ashi.

"Onoki Manipur sorkar aitsür aser Centre sorkar dang ozü yimtsüngtem nung tai maketba yimdaklirtem kümzüksü atema sepai talila lezmüksütsü ayongzükur" ta ITLF-isa metetdaksüogo.

Ajisüaka temai adokba telungpur aika Arambai Tenggol nung aden aser tanü parnoki security forces den khatepsü tenzükogo.

Külen, Arambai Tenggol-i taoba Hokolbarnü parnok mapang tatsüka atema loksaba osang metetdaksüogo.

Testüiba anogo ishika Manipur nung mataloktsü kar atalokba atema Arambai Tenggol loksaba atar ta parnoki ashi.

Arambai Tenggol indang tetsür kongsangi MLA tem ki amak ta olulu prokshiba atema sasa bilemer. Arambai Tenggol-i kodanga iba maparen meinyaker aser tetsür kongsang mali, ta Arambai Tenggol-i sangdong ka nung metetdaksü.

Parnokisa nübertem dang state aser centre sorkartem anema lungkak aitag Arambai Tenggol tenüng mamshitsü mepishia metetdaksü.

tema reprangdanga senzüdang CCTV cameras, Aadhar linked biometric attendance aser faculty register tem repranga liasü.

Medical college temi camera shitak enoka maliba, biometric facility mapa meinyakba aser faculty nung mapa tazüng aika alibatem Undergraduate Medical Education Board-i ajitet.

NMC-i jajeta aliba medical college temi anogo 30 tsüngda NMC nem mezüngbuba tenepishiba agütsütsü akok. Ajisüaka, NMC-i tenepishiba magizükra parnoki Union Ministry of Health dangi mepishia zülutsü akok.

## Nagaland Bamboo Industry semzük Tir Mijang (Bamboo Charcoal) saya



Nagaland Bamboo Industry (NBI) semzükba aser Tir Mijang sayaba sentong nung Business Association of Nagas (BAN) tir Mongküm Jamir aser par medemertem den Akhoya putu yimsüsürtem aser Akhoya Bamboo Growers' Society nung lenirtem kar den NBI tenzüksang aser NBI nung inyakertem (tejaklen mena alirtem) külemi agiba noksa ka angur. (Akhoya, May 30, 2023).

**Akhoya, May 30 (TYO):** Nagaland Bamboo Industry tenzükba aser iba industry nung longmi süngküm agi yangluba mijang (Bamboo Charcoal) tanü yangi Akhoya lushu nung NBI amenoka akadak Business Association of Nagas tir Wb.Mongkum Jamiri sayatsüogo. Iba mijang tenüng ya Tir Mijang ta agüja lir.

Iba sentong nung BAN tiri jembidang, nlbortem tajanzük angutsüsa süngküm agi mijang yangluba industry ka lapoketba asoshi NBI lapoksang Wb.K.Temjen Jamir aser pa den külem inyakertem nem tenüngsang tulu agütsü.

"Akhoya nung akaba süngküm lu ya Nagaland nung akaba süngküm lu rongnungbo tulutiba asütsü, ibai aluyimertemi tangatetba tajung nung takok ngua

meyong ali rongsen agi parnok nungdak peritsüsa sen kumtsütsü bilemba nukjidong ka ataloker asütsü ta NBI tenzüksang, K Temjen Jamiri metetdaksü.

Alima nung süngküm mijang ya aikati kanga nungdaka bushir, anungji NBI nungi adokba Tir Mijang ya ayoktsü tebilemsübo masütsü ta paisa shisem.

Tawa parnok Bangladesh nung monger aruba indang Olen ka lemsatepdang, Bangladesh lima ya asenoki asen lima nung ayangertem indang bilemba amato masü, par lima nung terenlok mapa jenti inyaker aser parnok ya kanga meranga inyakba nübertem lir. Asenok ajanzüksüsa parnok nungdak aika asenoki yoktetsü lenmang aika nguogo," ta BAN tirisa ashi.

Iba sentong nung tepela o ka lemsatepdang, NBI lapoka süngküm mijang, Bamboo Charcoal, yangluba ya nübertem

meiyong ali rongsen agi parnok nungdak peritsüsa sen kumtsütsü bilemba nukjidong ka ataloker asütsü ta NBI tenzüksang, K Temjen Jamiri metetdaksü.

"Talisa asen lima nung paper mill shibanger aluyimertem süngküm ayokdak maka timtemba ngua, ibai mapa tuluka mesüaka, paper mill melena teyari tilaka agütsütsü merangba sentong ka lir," ta paisa ashi.

"Ano tepela kaji electricity mali, gari lenmang kanga majung aser rongsen maka ta asüba timtem tia agi temoatsü küma NBI nung Tir Mijang yangluba kol, machineries, ajak onoki yanglu, anungji mijang dang masü kol ajak Nagaland nung yangluba, Made in Nagaland, asütsü," ta NBI kibur K.Temjen Jamirisa metetdaksü.

(Maneni tapak 2 nung...)

## NSF-i lungkak aitba anena atar; Naga Club atema nübor dang asüngdang

**Kohima, May 30, 2023 (TYO):** Naga Students' Federation (NSF)-i Naga Club (NC) ki jakdang mener lungkak aitba sentong thinena atatsü lemtetogo.

"APO Hall Kohima nung NSF seniors den rongdak senden ka amendang onük 6 bangzüngtepogo" ta NSF president Kegwayhun Tep-i ashi.

"May 31 nungi khen atema pandal ka süloker NSF office lapoka mapa inyaka aotsü atema NSF seniors aser senden nung adenertemi lemtet. NSF seniors-i ashiba ama mener lungkak aitba sentong thinena atatsü lemtet ajisüaka NSF-i maneni temeten meshia rongshitsü" ta Tep-i ashi.

Tanü senden nungsa Naga Club ta ashir nisungtem magizüktsü lemtet. NSF-i kümzükra aruba Naga Club ki madak item nisungtem yagi kibur akümer.

Tang aliba Naga Club ya tawa ang nisung kari pei ajanzüksü

atema tentetba lir. Parnoki Naga Club tentetertem nungi jakzükur kar anir iba Club tentet. Naga yimten tebilemsü, Naga yimtenren putiotsü aser Naga nungertemtemtem ya kija kari dang kibur akümtsü aser senmangtsü asü masü Naga nungeri telemteba ka agitsüla ta NSF senden nung bangjemtep.

"Naga Club ya Naga nungeri ajak meiyong lir. Kija mesüra telok shingaia iba madak kibur akümtsü makok. Naga nungeri ajak atema NSF-i nisung kar nem Naga nungeri longjemba aser linük senmang meraksadaksütsü. Talisa, Naga Club ya Naga nungeri ajak atema asütsüla" ta NSF sendean nungsa lemtet.

Parnokisa Naga nungeri dang Naga Club ya tentetshitsü nungdak lir asü mali aser tanü putu nung Naga Club tentettsü puteta lir mali ta asüngdangtsü telemteba agia liasü.

Naga nungeri ajaki Naga Club asoshi telemteba agitsüla aser

nungdakra kin Hoho ajaki sabang ka nung adenshir Naga Club atema telemteba agitsüla, ta NSF-isa lemtet.

Naga nungeri hao ta agizüka Naga Club ta jungunga tentetra NSF-ia agizüktsü. Ajisüaka, 1929 küm taoba Naga Club-i Simon Commission nem Memorandum agütsüba nung shia aliba tangatetbatem nung amendaker ang Naga Club ji tentettsüla, ta NSF senden nungsa bangjemtep.

"NSF office raksatsüba atema temulung raksat saka NSF-i maneni Naga nungeri temeten aser ajungtsü atema noktaksü ayongzükur" ta tanü lungkak aitba sentong nung taoba NSF tirtem Vikheho Swu o Pushika Awomi aser senior Vashum nungeri ashi.

NSF Oking ya Naga Heritage site ka lir aser iba ki raksatsüba sülen nisung kari tiyazü bener kanga dang mazüngi NSF tenüng menükja senzüdar, ta NSF-isa metetdaksü.

## Mokokchung nung First 1000 Days tenzükogo

**Dimapur, Monupii/May 30 (TYO):** National Health Mission kübok First 1000 Days semzükba sentong ka Sangtemla Ward Community Hall, Mokokchung nung agia liasü, kong Deputy Commissioner, Mokokchung, Sashank Pratap Singh, IAS tesemdang tongti liasü.

First 1000 Days ya mashisa akumtsü sentong yanglu tenzükba nungi tanur sor küm ana ajungba tashi lir. Iba mapang anogoshia ya tanur aintsü, renloksü aser

angazüksü atema tongtipang lir aser ibaji tang atema kisung masü saka teti atema lir.

Iba mapang chiyongtsü achi-ajemba ajanga tarutsü nung temang anema alitsü asoshi teyari agütsür aser tanur aser lokti ainer.

Iba sentong nung Dr. Longri, UNICEF; Dr. Supongmeren, Sr. Specialist (OBG), IMDH; Dr. Imlisenba, Paediatrician, IMDH; Dr. Takosunep. Ao, DPO RCH & UPI aser Dr. Maongkala, Medical Officer, PHC, Mongsenyimti nung

temi iba sentong nung Topics on the First 1000 Days, Importance of Antenatal care and Hospital Delivery, Breastfeeding: The complete nutrition & Early Childhood Development, Importance of Vaccination in children aser Convergence at Village Health Sanitation and Nutrition Days amala ontüktem nung ajemdaker jemba liasü.

Iba sentong nung Chief Medical Officer, Mokokchung, Dr. Kibangkumba-i tarur pela agizükba o jemba aser MTBA Pastor ajanga sarasadema liasü.

## Peren nung Assistance to Disabled Persons (ADIP) camp ayongzükaga agi



**Dimapur, Monupii/May 30 (TYO):** Persons with Disabilities (PwDs) tem nem Assistive devices agütsütsü atema Assistance to Disabled Persons (ADIP) camp ka May 24 nü Peren jila nung agiogo. Iba sentong ya District

Disability Rehabilitation Centre, District Hospital Dimapur aser National Institute for Locomotor Disabilities, Kolkata na longjemer ayongzükaga liasü.

Iba camp ayongzükaga akatsü atema State Commissioner for PwDs, Nagaland, District

administration, allied departments aser Peren district, Differently Abled People's Organisation temi teyari agüja liasü.

PwDs tem nem Assessment and Disability certificate, Unique Disability ID agütsüba den PwD ajak nem Assistive devices agütsütsü asoshi assessment agi aser Education on PwD tem nem parnok temeden dak sendakba nung tangazükba agüja liasü.

Ajak senteper PwDs 142 iba camp ajanga ajangzükogo. Parnok rongnung tenarong tajak 62, tenük tapok 15, Locomotor 28, Intellectual Disability 2, Cerebral Palsy 11 aser multiple disability 24 densema liasü.

## Nagaland Bamboo Industry... (Tapak 1 nungi...)

Tang ya NBI nung mapa ajak diesel tsüka generator agidang inyaker. Ano, tajung kaji NBI nung inyakerem ajak Naga nung lanurtem dang lir.

Tanü iba sentong nung Akhoya putu menden aser Akhoya Bamboo Growers' Society nungi yimsüsür aser lenirtemi tepela aser tajungshi o jemba liasü. Ano, küm metsü shi jakdang iba süngküm lu ayimba sentong nung lenisang Wb.T.Meren Paul-ia tepela aser tajungshi o jemba liasü.

Tir Mijang ya Gurugram, Haryana nung Faer Labs Pvt Ltd nung tendangogo aser alima nung süngküm mijang tatsüktiba rongnung ka asütsü ta tendangteto.

Tanü iba sentong nung NBI aser yang nungi adokba Tir Mijang meshiteta aser tenüngsang agüja Akhoya Baptist Arogo nung sannüker Rev.T.Lanu aser Longchara Baptist Arogo nung sannüker, Moameren Jamir nati sarasademtsü. Iba sentong

nung menden Wb.S.Chuba Longkumer liasü.

NBI aser Tir Mijang indang metetpelanertemi parnok website-nagalandbambooindustry.com aser Instagram aser fb n u n g nagalandbambooindustry aser mobile phone number +91 8787584752 & +91 9436002285 ajanga tongteprateptsü akok aser contact@nagalandbambooindustry.com nunga mail yoktettsü.

## Office of the Mongsenyimti Kaketshir Telongjem Mokokchung; Nagaland KONANG NÜNGSANG AGÜTSÜR



Kr. Imsuzungla A Aier



Kr. Nungtetmenla Jamir

Shisaliok bushiba wadang nung meranga aser nendaka azüngba tejang tangteta takok naroküm tulu ajangzüketba asoshi item kaketshirtem nem asen Mongsenyimti Kaketshir Telongjem (MKT)-i tenüngsang tetushi tulu agütsür.

(1) Kr. Imsuzungla A Aier, (Mr. & Mrs. Tiamongla & T.A. Yanger Aier-er jala), lai University of Hyderabad nungi 2022 küm M.A. Anthropology nung CGPA 9.71 ngutetba den takok tokma balala ajangzüket.

(a) Social Anthropology nung tematiba takok ngutetba nungtem Alumni tokma  
(b) PG atema University tokma  
(c) PG atema SC/ST tokma

(2) Kr. Nungtetmenla Jamir (Mr & Mrs. Imlinaro & Martoshi-er jala), lai NBSE ajanga ayonga agiba 2023 HSLC tatidang nung marks 97 tongteta 'Ao subject topper' ngutet.

Iba den külemi asen MKT züngsem kaketshir shirnokisa HSLC aser HSLC tatidangtem nung takok ngutetogo nenok ajak nem MKT-i tenüngsang tulu agütsür aser nenok tarutsü wadang ajak nung takok ngua aniang ta sarasademtsür.

Sd/-

Tsungremketba  
President, MKT

Sd/-

Imorenia  
Gen. Secy. MKT

## SANGDONGER

Nukensangla D/o N. Tali Aier, Yajang C, küna January 11, 2023 nü balaogo. Anungji lokti aser kija dang kechi sentsüh sa ali, item atema kü khuret kecha mali aser item sentsüh Nukensangla-i khuret, ni memetet. Aser lai agiba sentsüh atema ni bushia marudaktsüner, kechiaser küna balaogo. Lai agiba sentsüh kü khuret masü.

Sd/-

Lanumongba Jamir  
S/o. Late. Marchiten Jamir, Mopungchuket.  
Address - Diphupar B

## Non-local pur ayuba nung NSCN/GPRN-i tekum dangtsü metetdaktsü

**Dimapur, Monupii/May 30 (TYO):** Dokan, firm, company amala mapa inyakba tesemtem nung non-local nisungtem ayak aser aliba tesem amala tim kuli kaket mejangjai mayutsü tekum dangtsü Ministry of Kilo Affairs, NSCN/GPRN ajanga sangdong ka nung metetdaktsü.

Office of the Secretary, Home Affairs ajanga ashiba agi, nüburtemi item amala nisungtem nem tim ketdangtsüri

agütsüba kuli kaket tem kanga junga jangjatsüla.

Iba totuyuba sülen manidaker nem sorkar indang Yezabo nung mela aliba ama tapet temerenshi alitsü.

Non-local employees aser Naga nung aliba tesemtem nung business lapoka alirtemi work permits aser kuli kaket tejangja yua alitsüla, ta Kilo Affairs sangdong ajangasa ashi.

## Longchem Block nung Veterinary Doctor nungdaker

**Dimapur, Monupii/May 30 (TYO):** Department of Veterinary and Animal Husbandry, Mokokchung ajanga Longchem-i Veterinary Team ka yokba atema Longchem nung aliba nüburtem ajak tenüng nung pelaba lemsateper, ta Longchem Adhoc Town Committee indang vice-chairman, A. Chuba Longkumer-i sangdong ka ajanga ashi.

Talisa Dr. Wapangsashi, Farm Manager, Poultry Farm Mokokchung, aser par Mobile Veterinary Unit ajanga par mapa dak alia bendanga agütsüba asoshi alakteta pelaba lemsateper. Tsüngremi par mapa tajung asoshi moajangma, ta ashi.

Longchem Block/Range nung 2021 nungi Veterinary

Doctor kata mali arur aser Office-a ano melapoki lir. Iba block nung sorkari agütsüba facility aser service tem aika agi anünga lir, anungji senzükaga yutsüba mesüra underdeveloped block ta ajatsü akok, ta sangdong ajanga ashi.

Taküm ya kibong aika asoshi tia maka küm ka lir, kechiaser Longchem nung aser temeket yimtsüngtem nung ak aika süogo, anungji senotsü tsütsü takoksa tulu bener arutsür. Kibong aika nung sen lenmang ajak agi ak metsüba ya dang lir, aser tashidak wara tamajung agi parnok dak kanga sashia kongshi. Longchem Block nung alirtem ajangzüktsü asoshi sorkari Veterinary Doctor ka yoktet nungbo kanga ajungtsü, ta sangdong ajangasa ashi.



### GOVERNMENT OF NAGALAND

#### DIRECTORATE OF INDUSTRIES & COMMERCE

NAGALAND : KOHIMA

### ADMISSION NOTICE

Online/Offline applications are invited from interested candidates for admission to different levels of Diploma course (Voc) for the Academic Session 2023-24 at Nagaland Tool Room & Training Centre (NTTC), Dimapur. The courses are offered under NSQF through Community College Programme under AICTE, MHRD. Course duration upto 3(three) years is mentioned below:

S.No	Name of the Course	Diploma	Duration	Eligibility
1.	Diploma Vocational in Automobile (Engine Testing)	Level I	1 Year	Class X pass and above
		Level II	1 Year	Dip. Level I Pass
		Level III	1 Year	Dip. Level II Pass

**SEATS AVAILABLE**  
Application Form is issued at NTTC office, Dimapur on all working days (9:00 AM to 4:00 PM) or  
Registration can be done ONLINE at <https://nttcdimapur.org.in/>  
Apply on or before 30<sup>th</sup> June, 2023

**Important information:**

- Admission to the course will be on first come first basis.
- Eligible for scholarship under State/ National Scholarship Portal Scheme
- Toyota Technical Education Program(T-TEP) is incorporated in Level-II

For further details, visit the website: <http://www.nttcdimapur.org.in> • Email Id- [nttcdimapur@gmail.com](mailto:nttcdimapur@gmail.com) or contact the following enquiry numbers.  
(For Automobile — 7005091991 / 7005845090)  
(Reception desk — 7005227477)

Sd/- Shri. A. Temjen Jamir  
Director & CEO (NTTC)

• Website: [www.nttcdimapur.org.in](http://www.nttcdimapur.org.in) • Email-ID [nttcdimapur@gmail.com](mailto:nttcdimapur@gmail.com)  
NTTC, New Industrial Estate, Sub-Jail Junction (Tinali), NH-36 Diphu Road, Dimapur: Nagaland

# MENUNGRA BILEMTETER



Pungmang ka dang sülasang na ta, tenük amua ora nükladang an-ang angur, ola danga angadangnüaka mangashi, nüktzü anur küm ka rentetogo ni TAJUNGLA! Tanü ama temenungratsü anogo ka nung teti asoshi tanemi ne nük amua oadok. Onoki kanga apayua ozü den na ayutsü merangogo, saka, kodaker Kibubai ang taginüba akümji, jokorla nabo teti tepeladak sadok sadoka lir ta ozü teyimla. Ajaklemladaksüla, ajak peladaksüla, nungjalokla SHISAPOKLA-iba akümli nung na kenpika onok den doktsübaji, senti rongsen, hon taribi-i malangtet. Ne liru tajungtem ajak yimdangi arua, tanu anogo, tebu Tsüngrem nem tenüngsang agüja sarasadema amunger.

Nai Kanga Meimbatem



## GOVERNMENT OF NAGALAND DIRECTORATE OF INDUSTRIES & COMMERCE



### ACADEMIC SESSION 2023-24

#### Admission Notice for the Course 'DIPLOMA IN TOOL AND DIE MAKING'

##### (4 year specialzation course In Tool Design and Manufacturing & equivalent to 3-year Diploma In Mechanical Engineering)

Online/ Offline Applications are invited from eligible candidates for admission to the above mentioned Job Oriented Course at Nagaland Tool Room & Training Centre(NTTC), Dimapur

**ELIGIBILITY:** Matriculation or Equivalent Examination from a recognized Board with atleast 45% of marks each in Mathematics & Science Subjects (40% for SC/ST Candidates)

**AGE CRITERIA:** Between 15 to 22 Years ( relaxable to 25 Years for SC/ST Candidates)

##### SALIENT FEATURES:

- 70% & above in Matriculation/ Equivalent – Direct & Free Admission
- Eligible for scholarship under State/ National Scholarship Portal Scheme
- Incentives from the Institution for the Meritorious Students and Attendance Toppers
- Industrial Trainings & Internships
- Educational Tour during the course of the study
- Seminars & Workshops conducted by experts in the related field.
- Academic Collaboration with Kaziranga University (KU), Jorhat (one of the top Universities in Assam)
- Industry Collaboration with reputed Companies for Internships & Placement
- Company allowances between 8000/- to 15000/- p.m. during the On-Job Training/ Industrial training period outside the State.
- 100% Placement Assistance in Private/ Govt. Sector.
- High prospect of Entrepreneurship with assistance for business loan from financial institution to the willing candidates after the completion of the Course.
- Well equipped shop floor for Practical Classes.
- Wi-fi within the campus
- Hostel seats available on first come first basis
- Safe, hygienic & green campus with ample parking space.

**MODE OF SELECTION:** Oral Interview (To be notified)

##### HOW TO APPLY:

- OFFLINE:** Form & Prospectus will be available at the office of NTTC, Dimapur on all working days from 9:00 am to 4:00 pm
- ONLINE:** Form in the prescribed format will be available at the Institute's website <https://nttcdimapur.org.in/admission/login>

#### APPLY ON OR BEFORE 30<sup>TH</sup> JUNE 2023

For further details, visit the website: <http://www.nttcdimapur.org.in> or contact the following Course Coordinators: 8787383944/7005162525. (Reception desk 7005227477/9856928059)

Sd/- Shri. A. Temjen Jamir  
Director & CEO (NTTC)

• Website: [www.nttcdimapur.org.in](http://www.nttcdimapur.org.in) • Email-ID [nttcdimapur@gmail.com](mailto:nttcdimapur@gmail.com)  
New Industrial Estate, Sub-Jail Junction (Tinali), NH-36 Diphu Road, Dimapur: Nagaland



## GOVERNMENT OF NAGALAND DIRECTORATE OF TECHNICAL EDUCATION

0370-2270409  
0370-2271432

Nagaland : Kohima - 797 004

NO.DTE/SCTE/6/2020-21/

Dated, Kohima, the 30th May, 2023

### NOTIFICATION

The list of selected candidates for undergoing 3 years Diploma courses has been declared and is uploaded in the Department website [www.dtenagaland.org.in](http://www.dtenagaland.org.in) & the office notice board.

All the selected candidates are hereby informed to collect nomination letter and take admission in their respective Polytechnics w.e.f. 1st to 7th June, 2023 without fail. Failing to take admission on or before 7th June 2023, his/her candidature shall stand cancelled.

Sd/-  
(Er. VIPULHOU LHOUNGU)  
Director

Office of the

## Longkong Kaketshir Telongjem

B.P.O Longkong, P.O Chuchuyimlang - 798614, Nagaland

### TENÜNGSANG AGÜTSÜR



(Kr. Zuluienla T Jamir)



(Dr. Asangla N Jamir)

Longkong Kaketshir Telongjemi Kr. Zuluienla T Jamir, Wb. T. Tsukti Jamir aser Wt. Katemlila Imsong na jala, lai 2023 HSLC tatidang nung subject topper Ao nung ajangzüktetba aser Dr. Asangla N Jamir, Wb. Ngangshimakok Jala, laia Doctor of Philosophy on the thesis "Floristic Studies of Angiospermic Plants in Intangki National Park, Nagaland, India", Department of Botany, Nagaland University nungi ajangzüktetba asoshi tenüngsang tulu agütsür.

Maneni LKT ajanga HSLC aser HSSLC tatidang nung takok angur ajak dang pelaba lemsateper. Tsüngremi tarutsü anogo nunga nenok moajang ta sarasademtsür.

Sd/-  
Rendikaba  
Tir (LKT)

Sd/-  
Nungshitola N Longkumer  
Tongti zülur (LKT)



## OFFICE OF THE JANGPETKONG STUDENTS CONFERENCE

H.Q : Alongkima, Dist:- Mokokchung : Nagaland.

Motto:- "Advancement in Unity"

### KONANG TETUSHI AGÜTSÜR

Tatidang akiba bala nung jenjang tajung nung takok tulu anguba asoshi item takok angur nem konang tetushi agütsür.

- Miss.IMKONGNUKLA AO**, D/o Mr. Nokenketba, Yimjenkimong-i UPSC Tatidang nung takok tulu anguba asoshi tenüngsang agütsür.
- Aremchetla** D/o Limatoshi, Khar. Govt High school, Khar nungi Governor's Award for Government School Students.
- Dr. Sarikokba Jamir** (Khar) Ph.D in Nano Composite materials precursor to chitosan in the development of Sensor : Development of micro pollutants and heavy metal toxic ions from aqueous solutions from Mizoram university.

Maneni, NBSE ajanga akiba HSLC aser HSSLC tatidang nung takok tulu anguba asoshi item takok tajung angur nem tenüngsang agütsür.

- Sungtiben kichu**, HSLC Top-17, D/o Imtitemsu Kichu and Imlinaro, Chungliyimsen. Baptist Hr.sec school Mangkolemba
- Mulungsula Changkiri**, HSLC Top-10, D/o Limatemsu Changkiri, Changki. Hollycross Hr.Sec School Dimapur.
- Molungben Longkumer**, HSLC Top-17, D/o Temsulong Longkumer, Changki. Cornerstone Hr. Sec School Dimapur.
- Maongkala M Imchen** HSLC Top-16, D/o Late Moatemjen Imchen & Toshirenla, Mongchen. Mezhur Hr. Sec School Kohima.
- Imtitongzuk**, HSLC Top-15, S/o Ungerchang & Moarenla Dibua. Christina Memorial.Hr.Sec.School,Aoyimti, Dimapur.
- Temsunenla jamir**, HSLC Top-20, D/o Imzamokba Khar. Baptist Hr. Sec. School Mangkolemba.

Item dak alaka kaketshir shir-isa pei kaket rüju bushiba balala nung takok nguogo nenok ajak dang pelaba manen-i lemsateper. Tsüngrem-i nenok wadang tali moajangma.

Sd/-  
(Alemsashi)  
President JKTM

Sd/-  
(Imliakum)  
General Secretary JKTM



## CORNERSTONE HIGHER SECONDARY SCHOOL DUNCAN BASTI, DIMAPUR, NAGALAND ADMISSION FOR CLASS -XI (Arts & Commerce)

### SPECIAL FEATURES

- Free skill development courses on different traits.
- Different clubs for student activities.
- Atal Tinkering Lab (ATL)
- Educational Tours.
- Wi-Fi Campus.

### SPECIAL OFFER

- 25 % concession on Admission fees to Cornerstone students.
- 10 % concession on Admission fees for other students with distinction in any subject.

### FACILITIES

- Experienced Faculty.
- Well Equipped IT Lab.
- Library with e-book facility
- Basketball and Volleyball courts.
- Indoor stadium.
- Hostel.
- Science and Mathematics Laboratory.
- Canteen.
- Secured Campus with CCTV Cameras.
- Spacious campus with children's playground.

### PROSPECTUS & ADMISSION FORMS AVAILABLE AT :

- Cornerstone Higher Secondary School, Duncan Basti, Dimapur, Nagaland
  - Digital Electronics, Near SBI main branch, Mon Town, Nagaland
  - Bambusa Express, Arkong Ward, Mokokchung Town, Nagaland
- For more details contact: 8798859818,  
email: [cornerstoneforms20@gmail.com](mailto:cornerstoneforms20@gmail.com)



# TIR YIMYIM

## YIMOBILEM (EDITORIAL)

DIMAPUR RASEMNÜ, MONUPII (MAY) 31, 2023

### Mapa Adokdaksürtem-a Alitsüla

- Tangsen Lemtur

**T**anü putu nung mapa bushirtem jenti lir, ajisüaka mapa adokdaksürtem (job creators) kanga ajema lir; yamaji Nagaland nunga mapa adokdaksürtem kanga ajema lir, anungji karibo pei jenjang yangluba den külemi tangar nem-a mapa agütsütetsüsa lenmang bushitsü kanga nungdaka kümogo. Mapang shia India nung yimtenren lenirtemi aiben ajungshiba o kaji "Mapa bushirtem masü saka mapa adokdaksürtem jenti alitsü atema lanurtem renemshitsüsüla." Iba o ya atangji o lir, ta bilemer. Mongolbarnü (May 30, 2023) Changtongya nungi kilometer 15 shi pilar Changtongya-Asangma PWD Road nung Akhoya nung lushi nung aliba Nagaland Bamboo Industry site nung longmi aou/süngküm agi yangluba mijang (bamboo charcoal) Business Association of Nagas Tir, Mongkum Jamir-i sayatsüogo. Iba mijang dang 'Tir Mijang' ta ajar, aser iba industry tenzükba ya aika atema osangtajung ka asütsü. Ao lima nung paper mill shibanger aluyimertem süngküm ayokdak makai timtemba reprangteta, ibai mapa tuluka mesüaka, paper mill melena teyari tilaka agütsütsü nükjidong nungiba industry kibur, K. Temjen Jamir-i iba maparen tasen ya apiteta liasü, aser tanübo asangsang nung iba industry lapoktetogo. Iba industry amenokba ajanga anameket aliba yim aika tajangzük angutsü südi ta bilemer, talisa süngküm lu yima alirtem kanga ajangzüksü. Iba industry lapokba ajangasa lanurtem aika aayangtsü atema maongka angutsü. Karbo mapa nung aniokogo aser tarutsü nung ano lanur aikati mapa maongka angutsü ta bilemer. Jangratema bilemba kaji- Nagaland nunga, talisa Dimapur nung nija hospital aika lapokba ajanga lanurtem noklang aika mapa nung anioka lir; item hospital kiburtemji 'mapa adokdaksürtem' ta züngshitsü akok. Tanü mijang industry ka lapokdang aika nem mapa maongka agütsür, aser aayangtsü maongka agütsür. Ya-a mapa adokdaksüba ta züngshitsü akok. Ano maneni asen lima nung industry balala tenzuka ora mapa manguba tebilemtsü terabosa ajema akümtsü. Naga nung lanurtem aika school/college züngdur anener aser aika züngtetaka mapa mengui amajok nung mapang indoker aser tsürabur nem tain küma mesüdaktsür. Joko asen lima nung kibong teimbaka nung lanurtem mapa manguba ajanga kanga tain küma tsürabur den aliba angutsü. Mapa manguba tebilemtsü ya tuluba dang akümer. Nagaland nung zünger mapa mangur lanur nisung lakh 2 dak tema lir aser item rongnung Employment Exchange nung tenüng zülüoka alibaji nisung 72,000 dak tema lir aser register masürtembo iba dang nungjagi teimba asütsü. Atangji, mapa manguba tebilemtsü malitsü atema ajaki mapa inyak ashiba den külemi mapa inyaktsü jangratsüla. Mapa manguba tebilemtsü ajema akümtsü atema mezüngbuba nung tsüraburtem aser school tesayurtemi tarutsü atema tanurtemi kechi mapasa meteta alitsüla ta asüba nükla nung sayutsüla, lanurtemi peisasa apiteta teka mapa balala inyaktsüla, mapa tulu-tila kecha mebendangi teka mapa balala inyaktsü jangratsüla aser karibo lanurtem aikamapa nung anioktsü nükla tajung yur 'mapa adokdaksürtem' akümtsü atema lenmang bushia inyaktsüla.

# OLEMSABANG

## AOR KILUNG OSET KAKET RÜSHIBA (BOOK REVIEW)

- T. Meren Paul, Lower PR Hill, Kohima

(Yashi adok nungi...)

21. Page 54, "**Taki Marok**", Taki aser Marok ibai nungja palala aser oset-a yamaji palala. Taki aser Takzü anaji oset ka dang saka Marokji oset palaka. Taki ta ajabaji iba bongdang nung tajemtsü tzü, süngo aser yi takiba, anganüa agütsüba agi **Taki** ta ajar. **Takzü** ta ajabaji paika yakibo jemshitsü südi ta takzüdang agütsüba agi **Takzü** ta ajar. Saka tenüng anapronglaji oset bo ka dang. Taki/Takzüji inch 8-10 tashi tahlang anungji taroksaka **Marokji** inch 4-5 dang aser temeki tuluba saka tarok masü, anungji **Marok** ta tenüng ajar. Page 64 nung agüja aliba ji Marok shidakbaji lir.
22. Page 62, "**Süksenbong**", Süksenbong nung ya Takra aser Api dak alaka sütakdang amshiba oset ajak alitsüla aser tenüng temji ashitsüla. (1) **Mongmong** (2) **Imlong** (3) **Alem** (4) **Anen** (5) **Anet** (6) **Süksen** (7) **Warolem (Kudong)** etem olaangla osetdemji metettsü asoshi noksa sayu nung ajangtsü. Iba dak alaka ano sütakdang ang menatepa mayutsü aser alem tesüsü tanülah asütsü **Nirep/Ninangscü** mezüer, (tanüasüngbo Mompati/Candle amshir) Iba tejen oset ya yangludaktsür ayutsüla.
23. Page 67 & 68. "**Chikok Chisang**". Asen Aor Chikok Chisang ya Anatsükten nung alenloka aliba Chisangbong (Page 49) nung juoka ayur anungji chisangbang, chikokbang nung tapok perepboka mamshir, tanüasüng kojat nung eloka ayuba agi tapok perepboker. Heritage indang kakat anungji Original amshi yim tapok maket sayutsüla.
24. Page 70, "**Yong**", Yong tapu pezü tenüng agüja lir, noksa dena sayu nung ajangtsü. Mapa ajak nung amshitetba tanapuba **Kirakyong** ta ajabaji talisa ki asüandang alenshi aratsü kirakyong amshir. Akiasongshi nung chidem aondem adem dang, alen aratsü ajak nung amshir. Kidang teti kirak rong ayur. Tasempubaji **Azüdongyong** ta masü **Tadong** yong ta amshitsüla kechiyong iba yong ya kilem adong dang amshiba yong, kilemji Sara mesüra Azü amshitsü akok. Pezüpuba nung **Sürarong yong** ta masü **Temejepyong** ta ajar aser aji tapetba, kechiyong ibai yong tatsü, süra aser azü mejep dang amshiba yong. Ano yong jia **Temeshi aser Temapok** ta lemsaa lir, Yong Temeshi ta süra Au teküp temerang alilen aser Temapok ta süra Au telonglen aliba tanük len.
25. Page 78, "**Yongsang Kioktsü**", Aor akhi tejen kioktsü nung takapu amtsü tesang balaka maket, saka ibai tanü asüng tzümar kioktsü ajizüka yangluba.
26. Page 84, "**Ale**", English translation nung Ale ji "Longmi" bamboo tashi agi yanglur ta alibaji medongshia **Süngji** agi yanglur ta Ao nung shia aliba amaji melenshitsüla.
27. Page 85, **MANKO SEMKI** ta heading alibaji **MANGKO SEMKI** ta spellingji melenshitsüla. Yangluyim nungji "**Jangpa**" agi chipoka yanglur ta alibaji tai. Arok Osep page 65 nung Jangpa tetezü lentong ta aguja aliba nungi agizük südi. Jangpa (wedge) ya süngküm ayasadang aser süng asuh dang shima-a odaktsütsü, temedangtsü atema, süng alangteter jangoktsür, saka lentong jibo ali ongken atudang aser lenkum/nüngkum setshidang amshir, oset anaji kenyongi palala. Süng semkilung mongki chipokdang **pu, inlet (atempang) aser koteptsü** amshir.
28. Page 88, "**Shilangtsü**", Noksa nung sayua aliba ya akhiAor shilangtsü masü saka tawa tanü amshiba shilangtsü. Aor shi tilatire shilangtsü madak alangsaer saka shi tulu aser temang rangben sensah dang **Sanen** ma nung lepsaer. **Shilangtsü ya Sanen lepteta amshir** aser Sanen ji süng Lenten yim nung alangteter. Tawa tanü medong yim alangtetbajia khiSanen masü.

(Maneni asüng adok nungi...)

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

## North Korea nung tsürabor ket nung Laishiba

### aliba mechi tanur ka arishi tepiyong tepuokdak ayutsü

**Washington, Monupii/May 30 (Agencies):** North Korea nung Khristanpur ket nung Laishiba aliba ngutetra, parnok nem tasüba temerenshi agütsür aser tanurtem densema kinungertem takum tepiyong tepuokdak ayur, ta U.S. State Department ajanga report ka nung ashi aser yamaji tsürabor ket nung Laishiba ka aliba ngutetba mechi arishi küm ana tanur ka takum tepiyong tepuokdak ayutsü obendang agütsü.

North Korea nung Khristanpur 70,000 shi tepuokdak yua lir, kong talitsü kanga majung aser temang shi nung kanga tim atemer, ta State Department ajanga tawa sayaba 2022 International Religious Freedom Report nung shia lir.

North Korea nung human righthst atema inyakba non-profit organization, Korea Future ajanga ashiba agi, tamangba yimsü amshir, tamangba yimsü dak sendakba osetsüset yua alir mesüra tamanger den sendaktepa alirtem apur, merenshia amshir, mapa tasak inyakdaksür, linük nungi aridoker aser takum alitsü temeden magütsür.

Korea Future ajanga 2021 küm report ka agütsüba nung Khristan tsür 151 den sensaksemba dena liasü aser yagji tamangba yimsü temeden anema inyakba, tashiyim amshia mapa tasak inyakdaksüba, shi nung tashiyim amshia medemba, pua ayuba, merenshiba aser linük nungi aridokba amala temerenshi ya kanga bulua lir, ta shia liasü.

North Korea nung educational materials ya tamangba yimsü anema lir, aser iba linük nungi jena aortemi ashiba agi textbook nung Khristan missionary tem indang lir aser parnok ya tashiyim amshia shi nung medemer, tenük-telen agizüka ayoker aser nisung tepseter ama temenen mapa inyaker kumtsür.

North Korea indang constitution nungbo tamangba yimsü temeden agüja lir aser iba temeden atema kuli ama parnoki Pyongyang nung yanglua aliba tekülem ki tem communist dictator temi tuyur, saka item tekülem ki ya bendanger asoshi 'showpieces' ka dang lir, ta State Department report nung shia lir.

Iba ama timtem ajangshia

alir kati ashiba agi, "Ketdangsur temi achi-ajemtsü junga magütsüi mapa meranga inyakdaksü aser kü temang nung chiyongtsü agi meperi tim atem aser ni asütsü ta bilema liasü. Ni saksü-pokshi agi menep, ni tzü dang ajem aser kü temang tuozük seret 35 dang liasü. Tanübo kü temang tuozük seret 60 lir, anungji tesüiba mapang ni teret dang liasü."

Dangar aija züka-merenshir, chiyongtsü tamajung/teraksa achir, mapang talanglang timtema yutsür aser o tamajung ashir.

Khristanpur asoshi temerenshi tuluba aser tepuokdak küm 15 nungi arishi tepiyong ayur.

2009 küm kibong ka nung tamangba yimsü aser Laishiba ka ngutetba mechi arishi küm ana tanur densema kibong ajunga political prison camps nung takum tepiyong tepuokdak ayutsü obendang agütsü.

Alima nung Khristanpur reshikangshiba indang Open Doors USA ajanga asadangba World Watch List nung North Korea ya küm aika tamajungtiba linük jenjang nung lia arur.

## ANOGO ABEN TSÜNGREM DEN

### Tetsüngda nung nokdakang

(T.ken 106: 16-23)

Asenoki Mosaji tanishir tulu aser ozüing yanglur tulu ka bilemer, atangji pa tulutiba rongnung ka liasü. Saka nai Mosaji temepishitsür tulu ka shisadangogo ma? Sarasademba taküm ka ta nai metetter ma? Pa sarasademba Laishiba nung aiben zülua lir. Kodang Israel nungeri Tsüngrem melen nashi chanu ka yanglur külemtsü tenzük, Tsüngremi parnok o bendangtsü renema liasü. Saka Mosai tenemi atu aser tetsüngda nung noktaker mepishi. "Aji asünung pai parnok samatsütsü ta ashi, pai shimtetba Mosai, parnok Pai samaja lir ta, Pa ain adokba nungi meyipdaksütsü, Pa madang tetsüngda nung noktaka ali" (t.23).

Israel nunger Ejiip nungi kümzük aser Sinai tenem, kong Tsüngremi Mosa nem ozüing agütsü, idakji noktaka liasü. Saka parnoki süngyanglu ka yanglu. Tsüngremi asenok asoshi inyakba asenoki koda karaa amadoker. Asenoki meyipa aor aser temelentep den alir.

Mosa pa kija asoshi parnok temenen nungi tajangzük agitsü koka liasü. Tsüngremi Mosa dang ashi, "Mosa, ni ne den kin tasen ka tenzüktsü, aser joko Israel nungerji Abraham chirtem masütsü. Parnok Mosa chirtem alitsü." Saka Mosai langzü, "Masü, Kibuba, nai item nüburtem meimer. Parnok ne nübur lir. Parnok o tebandang." Tsüngremi parnok temenen o bendang saka kinji meraksatsü. Atangji, Mosai parnok asoshi inyakba maginü, aser parnoki pa anema jembu.

Tsüngrem tenüing sangdi, tanü kotak nung asenok asoshi temepishitsür ka lir, Kibuba Yisu Khrista, shiba Tebu Chuba langbang madang asenok asoshi mepishia noktaka alir (Ibri 7:25). Pai aser Tebui asenok meimer aser asenok taküm anir aser yanglur.

Mepishibaji tamanger tenzükba mapa nung tongtipangtiba ka lir. Naa temepishitsür ka asü? Tangari ne sarasadem teyari nüngdaker. Mosai inyakba ama inyakang aser tetsüngda nung noktakang.

## Pakistan police aser Muslim nungeri Khristan tetsü ka züka merenshi



Asma Gulfam aser la kinungbu Gulfam Masih.

**Lahore, Monupii/May 30 (Agencies):** Pakistan nung ki müreker Khristan ka mashisa akumba mechi mapa yutsütsü merangba yong lar kibur Muslim nungeri azük aser ozüing memelai hopta ka shibanga ayu.

Arishi küm 28 tain Asma Gulfam ya Sialkot District, Punjab Province kübok Oaja Ghara tesem nung Catholic nunger kilir ka lir aser la ya Huda Adnan'er kidang küm pongu tashi mapa inyaka aru, ta lai ashi. Gulfam-i ashiba agi, April ita tetenzüklen lai Adnan dang la mashisa kumer ita pongu lir ta metetdaksü aser temang mazüingba yong mapa meinyakteter ta ashi, saka Adnan-i la nem anisüingzük agütsütsü memolung.

Anogo ishika jakdang tzü agiba tesem nung yutsüba sen million 1 (US\$3,490) lai auya ta

April 18 nü Adnan-i tai tongloksü, ta Gulfam-i ashi. Iba sülen Adnan-i la takdang kati atsür ao, kong police assistant sub-inspector, Ijaz Ahmed den police asem aser Adnan kinungbu Mian Adnan liasü, ta lai ashi.

"Parnoki ni anguba den külemi Ijaz-i anir police temi küdang o tamajung ashi aser ni atakatem. Sen auyaba tai tonglokja aliba menangzükra kü indang süoshi shisatsütsü ta parnoki amokmeren, saka ni menangzük, parnoki kü kou nung atsü aser toochi makai azük tenzük. Iba mapang Ijaz-i kü indang temezüing atsüzüktsü merang," ta Gulfam-i Morning Star News dang ashi.

Lai tai maka ta jepaka parnoki mangashi amai yutsü. La tepok nung azükba ajanga la tzü indokba lenmang nungi azü

ayim tenzük, saka police tem aser Mian Adnan nungeri maneni azük, ta Gulfam-i ashi.

"Ni teyari meshia ajep saka ni kumzüktsü shinga maru. Ni iba kidang küm aika mapa inyaka aru, saka kodanga kiburi ni mapa tamajung inyakba indang mashishi. Ni meranga aser ochishia inyaka aru, kechiaser ni Khrista dak amangba atema ibai kuli tajung ka liasü," ta lai ashi.

Tanur maso aliba densema tanur pongu tetsü-i ashiba agi, lai memolungi parnoki la anogo ti pua ayu aser maneni züka merenshi.

"Ni Huda'er kidang yamaji pua ayu aser tanen makai merenshi. Ni Khristan asüba yong parnoki arütsü aser ni sen auya ta menangzük tashi shingai ni mekumzüktsü ta ashi."

La kinungbo Gulfam Masih Movement) nungi Imran ya rickshaw anishir ka lir, aser pa Civil Lines police station-i la samaba indang osang agütsütsü aodang police tema pa pua ayu, ta lai ashi.

"Parnoki pa ozüing memelai hopta ka pua ayu aser ni temang tamajungba akumdang April 26 nü chiook," ta lai ashi.

La kinungbui la government hospital kati anir ao aser yangji temang reprangba nung la temang nung teka sangshiba putet.

"Ni temang telung nung azü ayimba ajanga nu menden nung aliba ozü tanur takum lendong nung liasü, saka doctor temi kumzük," ta Asma Gulfam-i ashi.

La temang tajungba akumba sülen ozüing alema la pua yur merenshiba osang agütsütsü asoshi la May 10 nü Sialkot District police officer ka dangi ao. District Police Officer ajanga bushisüngdangtsü totuyuba agütsü, saka la dang asüngdangya mesüi police temi la indang ken o agentsü, ta lai ashi.

Lai yamaji merangba ajanga taoba mapang lar kiburtem ain adok aser la aser la kinungbui auya, ta ken o ka May 17 nü benoka liasü. Mezüingbo parnoki mejangjaba nisung anema First Information Report ka benok saka iba sülen tena tenüing agütsü, ta Asma Gulfam-i ashi.

"Ozü kibong kumzüktsü asoshi ozü kin lenirtem aser sorkar nung ketdangsurtem dang mepishitsüba dak alaka danga lenmang mali," ta lai ashi.

Maseehi Bedari Tehreek (Christian Awakening

Movement) nungi Imran Sahotra-i ashiba agi, par teloki tena ya May 23 nü khen atema bail nung agizük.

"Muslim nunger kibongi par tashi amshia Asma merenshi ta lai benokba ken o agiendaksü aser tena anema tiazü nung FIR ang ka benok. Iba ken o ajanga Pakistan nung Khristanpur asoshi ochi obendang maliba sayur," ta Sahotra-i Morning Star News dang ashi.

Sahotra-i Assistant Sub-Inspector Ahmed anema tapet ken o nung ajemdaker temerenshi agütsütsü petition ka agütsüogo, ta ashi. Additional District and Sessions Judge Abdul Jabbar-i police dang May 31 tashinung telangzüba agütsütsü tuyu.

"Police officer ya merenshitsüla, kechiaser pai merenshiba ajanga nu menden nung aliba kinü tanur mesüra laa sür lila," ta Sahotra-i ashi.

"Muslim nunger kidang mapa inyakba anentsü asoshi jembira makamait tia nung aliba Khristanpur anema tiazü ken o benoker aser tamangba yimsü mezüingmeshiba ken o tashi benoker."

Sahotra-i arogo aser tamanger lenirtem dang Khristanpur reshikangshiba anema ola adoktsü ayongzük liasü.

Open Doors ajanga alima nung Khristanpur alitsü asoshi linük tamajungtiba 50 asadangba 2023 World Watch List nung Pakistan ya jenjang tenet buba nung lir, koba taoba küm jenjang ti buba nung liasü.

## AO OSHI ANGAZÜKDAK: TANÜ ANGAZÜKTSÜBA OJANG



### Raliwalir

(n) oli aruli ta jajarterm, oliorar (tourist)

\* Tanü asünngbo **raliwalirtem** nungi lisopur tajangzük angur.

### Ralok

(v) o metenlokba (appendix)

\* Kaket züluri tatem nung o **ralok** agütsür.

## OLONG PAITEP # 6531

	1			2	3				
4			5						6
					7				
	8								
	9			10				11	
					12				13
14									
					15				

TIPLIN	LANGTSÜNGLEN
2. Sü jeplok - (4)	1. _ _ _ _ i - (4)
4. O agi merenshi - (5)	3. Kasa masü - (6)
7. Ayongküm li - (5)	5. Nüchi masü - (5)
8. Chiyungtsü mapang süiadok - (4)	6. Tashi endok - (5)
9. Tsüngrem den jembiba - (9)	9. Langtem - (5)
12. Saklok - (4)	10. Anü malidang - (6)
14. Samaba mebushitet - (5)	11. _ _ _ _ _ kibur - (5)
15. Mejanga onü - (5)	13. Tebur tembar tsüngda jatepba - (4)
16. Tzü shiruru ka - (4)	

## OLONG PAITEP # 6530 TELANGZÜBA

TIPLIN :	LANGTSÜNGLEN :
1. Semtu, 3. Lepko, 5. Bilem,	1. Sayu, 2. Teb, 4. Kimong,
8. Ulu, 10. Tsüngpang,	6. Lungkak, 7. Milak, 9. Zünga,
11. Tesangwa, 13. Aoksa,	10. Temopu, 12. Walu, 14. Ali.
15. Putir, 16. Yipru.	

**Happy Birthday**

**TENÜNG : KILEMSUNGBA**  
Tasoba anogo : May 31  
Talidak : Kevijau colony,  
Signal, Dimapur  
Tsüngremi moatsüba Jabaso  
Kilemsungba tia balala ajurua liyonga  
jaja arudang küm ka tashi Tsüngremi  
arishi den külemi anema yutsuba asoshi  
Pa tenüng maneni asanger. Maneni  
jabaso liyonga aodang Tsüngremer tawabangba nung len  
aniangma ta sarasademer.  
- Temeim tsürabur, adianu, kinunger aser temeimertem.

Tanur asoba anogo nung salem osang den noksa  
angati adokdaksünüra - Tenüng, Küm, School,  
Talidak & salem osang tejangja zülur, noksa  
(photograph - any size) ka den anogo 3 mesüra 4  
jelia e-mail : tiryimyim@gmail.com nung yokang  
mesüra Tir Yimyim bureau tem nung agüjang.

**Tepela Tasoba Anogo**

1. Tenüng : .....

2. Tasoba anogo: .....

3. Küm : ..... 4. Class : .....

5. School : .....

6. Talidak : .....

7. Salem osang : .....

## Tripura cadre nungi IPS officer Rajiv Singh Manipur-i belener

Imphal, May 30, 2023

(Agencies): Union Home Minister Amit Shah-i May 29 nikongdang Manipur-i aruba sülen senden aika menogo.

Amit Shah-i Manipur minister tem aser Governor den ajurutepogo.

Hombar aonung tesü 1993 Batch IPS Officer Rajiv Singh küm asem atema Manipur cadre-i mapa belenogo.

Rajiv Singh ya Tripura cadre nungi lir aser IGP CRPF ama inyaka liasü.

"Tripura cadre nungi tang teinyakdak IG, CRPF Rajiv Singh, IPS inter-cadre deputation ama küm asem atema Manipur cadre-i mapa belener" ta Ministry of Home Affairs-i metetdaksü.

"Tripura cadre nungi IG, CRPF Rajiv Singh, IPS (TR:93) küm asem atema Manipur cadre-i belentsü asoshi Cabinet indang Appointments Committee dang temelaba meshir" ta MHA-isa ashi.

Osang angazükba agi Rajiv Singh aser Ashutosh Sinha na rongnung kati Manipur DGP inyaksü.

## Goalpara nung süng ayartemi forest guard ka tepset

Guwahati, May 30, 2023

(Agencies): Assam kübok Goalpara district nung süng auya shibelener telok kati forest department ketdangsür ka tepset.

Krishnai Forest Range Office kübok Bor Matia forest nung ketdangsür taküm sama.

Nisung pezü agi akümbe forest department telok kati tractor ka nung ayaba süng bena aliba aputsü atema aodang iba lendong atalok ta osang angazüker.

Iba mapang ozüng alema süng shibelenertemi forest ketdangsürtem amakdang ka kanga mejungi yirutsü.

Iba osang angashili police telok ka tesem tonga ao aser yirua aliba forest ketdangsürtem kümzük. Police-i parnok Goalpara Civil Hospital-i anir ao saka Rajbir Ahmed ta ser ketdangsür ka Guwahati Medical College and Hospital-i anir aodang asü.

Iba tatalokba atema MLA Abul Kalam Rasheed Alam-i Assam sorkar dang bushisüngdang asütsü takhangba agütsüogo.

"State sorkari tasür kibong nem Rs 20 lakh teyari agütsütsü aser iba ya Assam ali rongsen kümzüka ayudang taküm bendanga agütsüba atema lir" ta MLA Alam-i ashi.

## Office of the ASETKONG MUNGDANG H.Q: Kubolong, P.O: Impur - 798615, B.P.O: Kubolong, Nagaland TENÜNGSANG AGÜTSÜR

Asetkong Senso shirsa 2022-2023 telen balala tatidang nung takok tajung ngutetogo, nenok ajak dang Asetkong Mungdangi kümrem pelaba den tenüngsang agütsür.

- Sb. Yimkum I Ozüküm (Süngratsü), Wb.** Imtilepzük Ozüküm aser Wt. Merainla Aier jabaso, UPSC Civil Service Examination 2022.
- Kr. W. Aotula Ozüküm (Longpa), Wb. T.** Watimeren aser Wt. Kining jala, UPSC Civil Service Examination 2022.
- Kr. Ochien (Mopungchuket), Wb.** Tajenmeren Jamir aser Wt. Lipokdenla Aier jala, Science Stream HSSLC Exam Rank - 9
- Kr. Tiatetla Jamir (Mopungchuket), Wb.** Chubanungba Jamir aser Wt. Tasüngla jala, Science Stream HSSLC Exam Rank - 10
- Sb. Lensen Ozüküm (Mopungchuket), Wb.** Meyimangyang Ozüküm aser Wt. (Asür) Benjungtila Jamir jabaso, subject topper (Ao) HSLC Exam.

Tarutsü tia jenjang meraksai nür wadang ajak takok aser temoatsü nung aotsü sarasadema atar.

Sd/-  
**S. Panyang Ozüküm**  
Tir

Sd/-  
**Imokokba**  
Tongti Zülur

## SUMMON FOR SETTLEMENT OF ISSUE (ORDER-V, RULE- 1, 5, 20) IN THE COURT OF PRINCIPAL DISTRICT & SESSION JUDGE DIMAPUR : NAGALAND

Money suit no : 86 of 2014  
Plaintiff : Nagaland Hotels Limited  
Defendants : Shri. Manavi Ram Baruva & 2 others.

- To,
- Shri. Manavi Ram Baruva,  
S/o Late Parbati Prasad Baruva,  
Permanent resident of Sonari Tea Estate,  
P.O. Sonari,  
P.S. Sonari,  
District- Sibsagar, Assam.
  - M/s Sungit & Nungshi  
Circular Road,  
P.O. Dimapur,  
P.S. Dimapur,  
District- Dimapur, Nagaland.
  - Shri. I. Sungit Jamir,  
Partner,  
M/s Sungit & Nungshi,  
Circular Road,  
P.O. Dimapur,  
P.S. Dimapur,  
District- Dimapur, Nagaland.

Whereas the Plaintiff has instituted a suit against you for realization of Rs. 81,58,100.78p/-

You are hereby summoned to appear before the Hon'ble Court in person or by pleader duly instructed and able to answer all material questions relating to the suit on 01/06/23 at 10:00 A.M. without fail.

Take notice that in default of your appearance on the date mentioned the suit will be heard and determined in your absence.

Given under my hand and the seal of the Court this 20th day of April, 2023.

District & Session Judge  
Dimapur, Nagaland.

Forwarded to:-  
Plaintiff for service.

District & Session Judge  
Dimapur, Nagaland.

**YIMKUM OZUKUM NEM TENÜNGSANG AGÜTSÜR**

Yimkum Ozukum-i UPSC tatidang nung takok tajung ngutetba asoshi Mopungchuket yimda nungi **Obula Martsungba Aier aser Otsula Imlikala Jamir** na semchir temi temolungjang ajunga nungi pelaba lemsateper.

Yimkum-i temolungtetba tulu nung iba jenjang ajangtetba atema kinungertem tejak tenteter aser temolung asür.

Onoki Yimkumba tsürabur **Merainla Aier aser Imtilepzuk Ozukum** na nema tenüngsang agütsür aser tena jabasoi alizüing tasen ka tongtetba nung külemi pelateper.

Yimkumba takum wadang nung mera tasen ka nung ayaoka aodang Tsüngrem temoatsü maneni lidakjangma. Pai mapa tajung tali inyaktetsüsa pa lenmang nung meranga inyakba, shisatsü aser teyari balala agi sangwajangma.



*Martsungba aser Imlikala Aier na semchirtem tenüing nung*

**Maongmenla Aier**

Obula Martsungba semchir tetsürtem rongnung tantsütüla

**Wati Aier**

Obula Martsungba semchir tetsürtem rongnung tambotising

Libya court kati nisung 23 tasüba agi merenshitsü obendang agütsü **Tripoli, Monupii/May 30 (Agencies):** Libya nung court kati Hombarnü nisung 23 tasüba agi merenshitsü aser nisung 14 taküm tepeyong tepuokdak ayutsü atema obendang agütsüogo.

Item nisungtem ya Egypt nungi Khristan tem telok ka tekolak atangba aser 2015 küm Sirte yimti atsüingba nung shilem agiba densema Islamic State militant campaign tesashi ka nung shilem agiba atema iba temerenshi agütsüogo.

Attorney General indang office sangdong ka ajanga ashiba agi, item nisungtem den külemi ano nisung ka küm 12 tepuokdak ayutsü, nisung trok küm 10, nisung ka küm pongu aser nisung trok küm asem tepuokdak ayutsü obendang agütsüogo. Kasa mapang nung nisung pezü aibelenali ta obendang agütsüogo aser nisung asem o mebendang tsüingda süogo.

Islamic State tenzükdak Iraq aser Syria na dak alia Islamic State indang Libyan branch ya iba kiralongrar telok rongung tashi taittiba ka liasü. 2011 küm NATO-i teyari agüja linük nung nüburtem nokdakba ajanga mepetmesü tulu adokba maongka agia parnoki Libya nung inyaksangshia liasü.

2015 küm parnoki Tripoli nung Corinthia Hotel amak aser nisung teku tashi tepseta liasü. Iba sülen parnoki Egypt nung Khrista dak amanger ter dak tema pur oa parnok tekolak tangzüka yoka liasü.

Libya anütoklen Benghazi, Derna aser Ajdabiya atsüingba sülen iba telok yagi tüküm nung aliba Sirte yimti atsüing aser 2016 küm tashi parnoki iba yimti aziöker taochi makai yimsü süa liasü.

(Maneni tapak 8 nung...)

**Office of the Longkhum Sensotsür Telongjem TENÜNGSANG AGÜTSÜR**

Longkhum sensotsür ajanga Longkhum senso shisaluyimer Kr. Rongchensela Yar, D/o Wb. Merangchang Yar, HSLC tatidang nung Top 12th buba nung takok ngutetba asoshi khonang nüngsang tulu agütsür.

Iba den külemi Longkhum senso shirnokisa HSLC/HSSLC tatidangtem nung takok ngutetogo, nenok ajak nem tenüngsang agütsür.

Tsüngremi nenok taküm tazüingba wadang nung maneni takok nung aniangma.

**Sd/- Amenla President**

**Sd/- Achila Secretary**

**GS FOUNDATION COURSE**

Be the next NCS

Be the next IAS



**NPSC 2023**



**UPSC 2024**

**ADMISSIONS OPEN**



**TOP CIVIL SERVICE DOMAIN EDUCATORS**



**WELL RESEARCHED MATERIALS**



**THREE TIER TEST SERIES**

📍 Kohima, BOC, below PHQ  
☎ +91 7005114715

**EduVersity**  
NPSC PREPARATION 2.0



**OFFICE OF THE YIMJENKIMONG SENSO MUNGDANG DIST. MOKOKCHUNG : NAGALAND (Yimtsüing Terenlok)**

**TENÜNGSANG AGÜTSÜR**



Yimjenkimong Senso Mungdang ajanga **Kr. Imkongnukla Ao**, D/o Wb. Nokzenketba Walling aser Wt. Moasangla tena jala ajanga UPSC Civil Service tatidang nung takok tulu anguba asoshi kangasa pelar aser la nem tenüngsang tetushi tulu agütsür.

Maneni takum 2023 HSLC aser HSSLC tatidang nung Yimjenkimong Kaketshir shirnokisa takok tajung nguogo nenok ajak dang tenüngsang tetushi agütsür.

Nenok mapa tajung aser meranga azüingba ajanga tarutsü Lanu putu asoshi tulusang Tsüngremi nenok wadang nung ano tali moajangma ta YSM-i sarasademtsür.

**Sd/- Imlikaba Ozükum President, YSM**

**Sd/- Imnalemba Aier Secretary, YSM**

**Office of the Village Council Changki TENÜNGSANG AGÜTSÜR**

Tsünglanglen agüja aliba kaketshir temi HSLC Examination 2023 nung takok tajung nguteta Changki yim nem konang bener arutsüba atema Village Council Changki ajanga tenüngsang agütsür.

**Ms. Mulungsula Changkiri**,  
D/o Mr & Mrs. Limatemsu Changkiri,  
Ranked 10 in Top 20, Subject Topper in Maths (100),  
S/Science (100) & English (98)



**Ms. Mulungben Longkumer**,  
D/o Mr & Mrs. Temsulong Longkumer,  
Ranked 17 in top 20



Ano Changki Govt. High School aser Changki Mission School nungi HSLC Examination 2023 nung pass percentage 100% ngutetba atema Headmasters, tesayur aser kaketshirtem nem Village Council ajanga tenüngsang agütsür.

Nenoki asen Tsüngrem nükkidong bushidang nenok ajak Pa nükdang maneni tajung südakjangma.

**Sd/- Lendimenba Amri Chairman, VCC**

**Sd/- Pangerkumba Tzudir Secretary, VCC**

**OFFICE OF THE MANGKOLEMBA KHARTSÜR TELONGJEM TENÜNGSANG AGÜTSÜR**

Iba kum tatidang jenjang balala nung Mangkolemba Khar Senso item jabaso jalatemi jenjang tajung ngutetba asoshi Mangkolemba Khartsür Telongjemi tenüngsang agütsür.

1. Mr & Mrs. Imzamokba jala Kr. Temsumenla Jamir, Baptist Higher Secondary School Mangkolemba nungi HSLC tatidang nung Top-20th jenjang ngutetba.
2. Mr & Mrs. Ningsangyanger jala Kr. Alina Jamir, Queen Mary School Mokokchung nungi HSLC tatidang nung subject topper Social Science nung ngutetba.
3. Mr & Mrs. Tekaluba jabaso Dr. Sarikokba, Mizoram University nungi Ph.D Chemistry nung "Nano Composite materials precursor to chitosan in the development of sensor: Detection of micro pollutants and heavy metal toxic ions from aqueous solutions" thesis zülua renemtetba.

Maneni Khar senso aser anukapang jabaso jalatemi Mangkolemba aser jila balala nung kwikati takok tajung nguogo ajak nem tenüngsang agütsür. Nenok kakat shisatsü bushiba aser wadang nung Tsüngremi moajang.

**Sd/- Tekayula President MKT**

**Sd/- Imkongsungla Secretary MKT**

## French Open: Ruud aser Jabeur na tanabuba round-i iogo

**New Delhi, Monupii/May 30 (Agencies):** Fourth seed asayar Casper Ruud-i Mongolbarnü French Open mezüngbuba round nung Sweden nung qualifier Elias Ymer 6-4, 6-3, 6-2 agi koka tanabuba round tongtetogo.

Ruud-i taoba küm iba asayamung nung final tonga asayaogo aser taküma final tonga asayatsü nükjidadong yur asayadar.

"Taoba küm asayaba asayamung tu küm taküm nung asayamung tajungtiba liasü aser taoba küm dang nungi tajungba

asayaner aser ni meranga asayatsü," ta Ruud-i ashi.

Ruud-i taküm küm junga asaya metenzükaka pai Estoril nung April ita clay court asayamung ka kokogo aser hopta ana tejakdang Rome nunga pai semifinal tonga asayaogo.

Kasa asayamung tetsür kija asaya nung Ons Jabeur-i kanga junga asaya Mongolbarnü mezüngbuba round nung lai Italy tsür Lucia Bronzetti kokogo.

Tena tsüingda asaya ya Jabeur-i 6-4, 6-1 agi ayong ayonga koka la tanabuba round

tongtetogo.

Jabeur season tetenzüklen tetsükdaksü kar ajangshia liasü aser la temekok nung surgery tila ka agiba ajanga Madrid Open nung masayatettsüsa aküm. Ajisiüaka lai Paris nung la form kanga junga aliba sayua mezüngbuba game kanga ayonga kokogo.

Rabat nung mezüngbuba kija asayamung ka akokba sülen Bronzetti kanga temulung lema iba asaya asayatsü asoshi aru, ajisiüaka lai Jabeur nem kecha telangzüba magütsüti mezüngbuba round nung tsükogo.

## Chelsea chief executive asütsü Chris Jurasek shimogo



**Monupii/May 30, 2023 (Agencies):** Chelsea-i Mongolbarnü sangdong ka ajang chief executive mapa abentsü asoshi Chris Jurasek shimba sangdongogo. Kasa mapang nung küm ka majung inyakba sülen business tir Tom Glick-i club toktsütsü.

Premier League nung jenjang 12buba nung tembangba sülen Chelsea-i Hombarnü head coach mapa abentsü atema Mauricio Pochettino shimogo. Roman Abramovich kibur asüba mapang Chelsea pur England aser Europe nung kanga takok ngua asaya liasü aser tang parnok jenjang mejungi kümer lir, koba asüngsashitsü asoshi merandangba mapang ka lir.

Jurasek ya America nung co-owner Todd Boehly indang Clearlake group nung executive ka lir aser pai Chelsea nung business ajak achayangtsü aser board den co-sporting director Laurence

Stewart aser Paul Winstanley na nem telangzüba agütsütsü.

"Ni Chelsea nung densemba atema kanga pelar. Iba club ya alima nung nüburtemi aikati kanga meimer aser parnok sülen anidaker. Ni club nung densema shilem agitsü atema maongka anguba atema kanga nemadanga bilemer.

"Onok lenla ajak nung renlokyonga aotsü asoshi maongka lir aser London aser alima ajunga nung aliba fan tem den sendaktepa inyaksü," ta pai ashi.

Co-controlling owners, Behdad Eghbali aser Jose E Feliciano nati, "Chris' indang sempet aser expertise ajanga club lenla ajak nung tejakdangi anir aotsü aser talisa pai Chelsea atema sentong balala yanglur aliba nung teyari agütsütsü," ta ashi.

Taoba Manchester City executive Glick-i küm ka majung tsüingda club toktsütsü.

## IPL 2023 nung Gill-i naroküm timba agizükogo



**Monupii/May 30, 2023**

**(Agencies):** Ita ana tsüingda team 10 asaya 74 asayaba sülen Indian Premier League 2023 edition Chennai Super Kings-i kokogo. MS Dhoni-i aniba team yagi iba asayamung pongubenbuba koka Mumbai Indians den kasa kümogo, shirnokia iba asayamung ponguben koker lir.

Tzüinglu agi minprongba final asaya ka, koba reserve day nung asaya liasü, iba final asaya nung CSK-i tatembangbuba ball nung defending champions Gujarat Titans madak wicket 5 (DLS method) agi takok ngua

liasü.

Tzüinglu aruba ajanga final asaya tanabuba shilem over 15 dang asaya aser run 171 arishiba mapang asaya akoktsü atema tatembangbuba ball ana nung run 10 nungdaka aliba mapang Ravindra Jadeja-i Mohit Sharma-i aonba ball ana ya ka six aser ka four züka asaya akok.

Taküm IPL nung naroküm balala angurtem yamai alitsü:

Orange Cap (most runs): Shubman Gill (890)

Purple Cap (most wickets): Mohammad Shami (28)

Most Valuable Player of the

Season: Shubman Gill

Gamechanger of the Season: Shubman Gill

Emerging Player of the Year: Yashasvi Jaiswal

Fairplay of the Season: Ajinkya Rahane

Catch of the Season: Rashid Khan

Longest Six of the Season: Faf du Plessis wins (115 metres)

Most Fours: Shubman Gill (85)

Super Striker of the Season: Glenn Maxwell

Best Venues of the Season: Eden Gardens (Kolkata) aser

Wankhede Stadium (Mumbai).

**GOVERNMENT OF NAGALAND  
DIRECTORATE OF INFORMATION AND PUBLIC RELATIONS  
IPR CITADEL, NEW CAPITAL COMPLEX  
NAGALAND: KOHIMA**

No.DIPR/Post-Clr/Advt/1/2023

Dated Kohima the May 2023

**ADVERTISEMENT**

Applications are hereby invited amongst the eligible candidates for filling up the under mentioned Driver post, as shown below, under the Department of Information & Public Relations, Nagaland: Kohima.

Sl. No.	Name of the post	Pay Matrix	Number of posts	Eligibility criteria
1	Driver	Level-3	03	1. Valid driving license 2. Open to all indigenous inhabitants of Nagaland 3. ST certificate 4. 2 recent passport size photo 5. Fitness certificate

- The minimum age of candidate shall not be less than 21 years on date and not more than the upper age limit of the existing policy of the State Government.
- The application should reach the Directorate of Information & Public Relations Nagaland on or before the 3rd June 2023.
- Interview and practical test will be held on 6th June 2023 in the Directorate of Information & Public Relations, Nagaland: Kohima.

(DZÜVINUO THEÜNUO)  
Director  
Information & Public Relations  
Nagaland: Kohima

## Libya court kati nisung 23... (Tapak 7 nungi...)

IS-i tepsetba mesüra pur oa kinungertem Sirte Square nung taolen memeteti akümba tepseta liasü," ta pai ashi.

Hombarnü okadak o jembiba mapang Fawzia Arhuma-i ashiba agi, iba telok yagi Sirte anasa power station ka nung lar jabaso tepsetba sülen tasüba agi temerenshi agütsüba ya lai pelashishia agizüker.

"Ozü jabaso samara tang tashi mangur aser özü toktsüogo," ta lai ashi.

Office of the  
**Sangpang Christian Youth Society, Longkhum  
TENÜNGSANG AGÜTSÜR**

**Kr. Rongchensenla Yar,** D/o Wb. Merangchang Yar aser Wt. Tiawapangla Lkr, lai HSLC 2023 tatidang nung Christian Residential Hr. Sec. School, Mokokchung nungi Top 12 jenjang ajangzükteta khonang nungsang bener arutsüba atema tenüngsang aser tetushi tulu agütsür.

Ano shirnokisa HSLC/HSSLC tatidang nung Distinction aser takok tajung ngutetogo, nenok ajak nem tenüngsang tetushi maneni agütsür.

Tarutsü nung Tsüngremi nenok taküm aser jenjang maneni temaba nung ajungketang ta SCYS sarasadem.

Sd/-  
Merenchiba  
President

Sd/-  
Moachiba  
General Secretary

## BILEMDANGANG

"Sensaksem ajanga ken o ajak bentettsü koka lir."